




唐詩別裁

五言長律
七言長律

地
五

土版文庫
文庫17
W93
11



文庫 17
W93
11



唐詩別裁集引典補註卷十八

長洲沈德潛歸愚選

後學俞汝昌增注

劉長卿

棲霞寺東峯尋南齊明徵君故居明僧紹字休烈

捨宅爲寺齊帝徵之不出

山人今不見山鳥自相從長笑思齊主終身卧此

峯泉源通石徑澗戶掩塵容古墓依寒艸前朝寄

老松片雲生半壁萬壑徧疎鐘惆悵長空去猶疑

林下逢大歷以後邊幅既狹氣味亦薄如聽金鐘犬鏞忽換錚錚細響令人索然

六朝事跡明僧紹墓隸攝山棲霞寺前

卷十八

010185190809

昭和六十年二月一日贈
土岐善吉氏寄

行營酬呂侍御

自注時高書問罪襄陽軍次漢東境上侍御以舟鄰賊境復有水災迫于征稅詩以見喻

不敢淮南卧來趨漢將營受辭瞻左鉞扶疾拜前
旌并稅鶉衣樂壺漿鶴髮迎水歸餘斷岸烽至掩
孤城曉日當于騎秋風合五兵孔璋才素健早晚
檄書成

史記汲黯拜淮陽太守伏謝不受上曰吾徒得君少重卧而治之荀子子夏衣若懸鶉老子能上老君鶴髮童顏魏志陳琳字孔璋軍國書檄多琳所作魏文書孔璋書表殊健

自道林寺西入石路至薜山寺過法崇師

故居寺在長沙岳麓山下

方與勝覽岳麓在山上百餘級道林寺在岳麓下

山僧候谷口石路拂莓苔深入泉源去遙從樹杪

回香隨青靄散鐘過白雲來野雪空齋掩山風古

殿開桂寒知自發松老問誰栽惆悵湘江水何人

更渡杯

法苑珠林西晉杯度嘗寄宿一家家有金像杯度晨輿輒持而去主人策馬追之度自徐行而騎走不及及河乘一小杯以渡孟津因號曰渡杯

送鄭說之歙州謁薛侍御時侍御出守歙

唐地理志歙州新

指歙漂泊來千里謳歌滿百城漢家尊太守魯國重諸

生俗變人難理江傳水至清船經危石住路入亂

山行老得滄洲趣春傷白髮情嘗聞馬南郡門下

有康成

後漢書黃琬拜豫章刺史咸邁百城又馬融字季長為南郡太守教養諸生常有千數又鄭康成事扶風馬融辭歸融喟然曰吾道東矣

謫居于越亭作

天南愁望絕亭上柳條新落日獨歸鳥孤舟何處

人生涯投越徼世業陷胡塵杳杳鍾陵暮悠悠都

水春秦臺悲白首楚澤怨青蘋草色迷征路鶯聲
傍逐臣獨醒翻引笑直道不容身得與風霜苦全
生天地仁青山數行淚滄海一窮鱗牢落機心盡
唯憐鷗鳥親

唐地理志武德五年分豫州置鍾陵縣一統志鄱陽湖在饒州府鄱陽縣西四十里

送徐大赴廣州

上將壇場拜南荒羽檄招遠人來百粵元老事三

朝霧繞龍川暗山連象郡遙路分江水淼軍動馬

蕭蕭畫角知秋氣樓船逐暮潮當合輸貢賦不使

外蠻驕

卷十八

湘夷

輿圖備攷廣東惠
河源縣有龍川城
州府龍川縣 又
日南秦象郡
律擬之春華來
高子文房一簞矣

湘靈鼓瑟

楚辭使湘
公合海若
靈鼓瑟
舞馮夷

善鼓雲和瑟常聞帝子靈馮夸空自舞楚客不

聽苦調淒金石清音入杳冥蒼梧來怨慕白芷動

芳馨流水傳湘浦悲風過洞庭曲終人不見江上

數峯青唐人試帖無出其右者神來之候功力不

自鬼語詩之月落句周好然亦詩人意中所有謂得

周禮雲和之琴瑟
禮葬蒼梧之野
楚韻
策蘋齊菜兮白芷
生又折芳馨兮遺所思

題王山村叟壁

谷口好泉石居人能陸沈牛羊下山小煙火隔雲

深一徑入溪色數家追竹陰藏虹辭晚雨鷺隼落

殘禽涉趣皆流日將歸羨在林却思黃綬事孤負

紫芝心

莊子孔子曰是卷
石以上皆銅印黃綬
沈者也漢書凡二百
四皓有紫芝歌

送王使君赴太原行營

太白明無象皇威未戢戈諸侯持節鉞千里控山

河漢驛雙旌度胡沙七騎過驚蓬連鴈起牧馬入

雲多不賣盧龍塞能消瀚海波須傳出師頌莫奏

式微歌

奉和宣城張太守南亭秋夕懷友

泚館蟪蛄聲。梧桐秋露晴。月臨朱戟靜。河近畫樓

明。捲幔浮涼入。單鐘永夜清。片雲懸曙斗。數雁過

秋城。羽扇揚風暇。瑤琴悵別情。江山飛麗藻。謝朓

讓詩名

隋書志三品以上門皆列戟。晉袁宏傳宏出為東陽郡。謝安取扇贈行。宏曰：當奉揚仁風慰彼黎庶。

皇甫冉

送歸中丞使新羅

詔使殊方遠。制義舊典行。浮天無蓋處。望日計前程。覽喜孤山出。長愁積水滯。野風飄壘鼓。海雨濕危旌。異俗知教通。儒有令名還。將大載禮方外。授諸生。

河南鄭少尹城南亭送鄭判官還河東

鄭判官使臣懷餞席。亞尹有前溪。客是仙舟裏。塗從御苑

西。泉聲喧暗竹。草色引長隄。故絳青山在。新田綠

樹齊。天秋聞別鶴。關曉候鳴雞。庶歎沈冥者。年年

津路述

統志平陽府絳州春秋時屬晉。即故絳與新田之都。漢為河東郡。

李嘉祐

和袁邕中破賊後經劍中山水

授律仙郎貴長驅下會稽鳴笳山月曉搖旆野雲
低剪寇人皆賀聞軍馬自嘶地閒春艸綠城靜夜
烏啼破竹清門漏看花人剡溪元戎催獻捷莫道
事攀躋寫景俱帶定破賊後下筆謹嚴

韋應物

送崔抑衙赴相州

舊書惠文太傅金吾天子押衙

禮樂儒家子英豪燕趙風驅雞管理岳馬却從

戎白刃干夫闢黃金四海同漂姚恩顧下諸將指
揮中別路憐芳艸歸心伴塞鴻鄴城新騎滿魏帝
舊臺空望闕應懷戀遭時貴立功萬方如已靜何
處欲輸忠

韓翃

奉送王相公赴幽州

黃閣開帷幄丹墀侍冕旒位高湯左相權總漢諸
侯不改周南化仍分趙北憂雙旌過易水千騎入
幽州塞艸連天暮邊聲動地秋無因隨遠道結東
佩吳鉤

○ 盧 綸

從軍行

二十在邊城軍中得勇名卷金收敗馬占磧擁殘
兵覆陣烏鳶起燒山草木鳴塞開思遠獵師老厭
分營雪嶺無人跡冰河有雁聲李陵甘此沒惆悵

漢公卿孫武子云烏起

司馬遷書陵未沒時
捧觴上壽後數目陵
味聽朝不怡大
憂懼不知所出

逢南中使因寄領外故人

見說南來處蒼梧桂林過秋天更暖邊海日長

陰巴路緣雲山巒鄉入洞深信迴人自老夢到月

應沉碧水通春色青山寄遠心炎方難久客為爾

一沾襟

蒼梧桂林
俱屬嶺南

○ 韓 湑 字未詳江東人大歷九年進士

聯寫題意下多試帖此體凡六韵起聊點題次
王聯題後推開六聯收束畧似後代帖括體
式合格者人發當時才士每細心揣摩降格
為之李村二公不能降格終不遇也唐人
佳者寥寥茲取氣骨近高辭章近雅者為學
詩人導以先路一切祈請卑屈者斥之至於
增加多韵變化方板巧心湑
發者自能之無煩觀鑿為也

清明日賜百僚新火帖試

輦下歲時記清明取榆柳之火以賜近臣順陽氣也

朱騎傳紅燭天厨賜近臣火隨黃道見煙遠白榆

新榮曜分他室恩光共此辰更謂金鼎味還暖玉

堂人灼灼千門曉輝輝萬井春應憐螢聚者瞻望

及東鄰

孫盛晉陽秋車亂家貧讀書不常得浦夏月則以練囊盛數十螢以夜繼日

冷朝陽字未詳金陵人天歷中進士為薛嵩從事

立春

玉律傳佳節青陽應北辰土牛呈歲稔彩燕表年

春臘盡星迴次寒餘月建寅風光行處好雲物望

中新流水初銷凍潛魚欲振鱗梅花將柳色偏思

越鄉人

隋禮儀志立春前五日於州大門外之東造青十牛兩頭耕夫犁具立春有司迎春于東郊登青牖于青牛之傍焉荆楚歲時記立春日剪深為燕以戴之月令星回于天數將幾終歲且更始京房易正月建寅雲物見下

于尹躬字里未詳大歷中進士元和中為中書舍人左除揚州刺史

南至日太史登臺書雲物

左僖公五年日南至公登觀臺以望而書禮也凡分至啟閉必書雲物為備故也注物色也雲有五色也

至日行時令登臺約禮文官稱伯趙氏色辨五方

卷十八

雲畫漏聽初發。陽光望漸分。司天為歲備。持簡出人羣。惠愛周微物。生靈荷聖君。長當有嘉瑞。郁郁復紛紛。天書

○獨孤綬 字里未詳大歷十年進士又舉宏

藏珠於淵 試帖 謂不取也

至道歸淳朴。明珠被棄捐。失真來照乘。成性卻沈泉。不是靈蛇吐。猶疑合浦旋。岬旁隨月落。波底共星懸。致遠終無脛。懷貪豈比肩。欲知恭儉德。所寶在唯賢。正大

田敬仲世家。徑寸之珠。照車前後各十二。乘者十枚。曹植書。人人自謂握靈蛇之珠。合浦

還珠後漢孟嘗事列

○羅 讓字景先迴之子舉進士宏詞賢良方正皆高第歷尚書郎散騎常侍終立

西觀 察使

閏月定四時

月閏隨寒暑。疇咨定職司。餘分將考日。積算自成時。

時律候行宜。表陰陽。逆不欺。氣薰灰。珥驗數。劫卦

辭推六。歷文明。序三年步。暗移當知歲。功立唯是

奉無私 易繫辭歸奇于劫以象閏六歷蔡邕

也 梁閏月者曆月之餘日也積分而成於月者相親幕室中以本為案每律各一內卑外高從其方位抑律其土以葭灰抑其內端接律候之

氣至者灰飛 春秋元命苞三年閏以起
紀宋均云紀法也三年加一閏以成歲也

陸復禮字里未詳貞元入年宏詞第一

中和節詔賜公卿天宏詞試唐德宗朝

李泌傳泌請廢正月晦日以二月朔日

看仲令初吉中與尺志俱歡娛樂大中正呈恩貞百度寶尺賜羣

公欲使方隅法還合規矩同捧觀珍質拜受聖

心崇如荷正山重思酌分寸功從茲度天地與國

慶無窮

王損之字里未詳貞元十四年進士

濁水求珠帖

抱朴子識珍者必拾瀼水之明珠賞氣者必採穢藪之芳蕙

積水非澄澈明珠不易求依稀沈極浦想像在中

渾。眩目思清淺。蹇裳恨暗投。徒看川色媚。空愛夜

光浮。月入疑龍吐。星歸似蚌遊。終希識珍者。採掇

在冥搜。見求之不以道也不正寫

文賦水懷珠而川媚魏畧大秦國出夜光珠

杜元穎字未詳杜陵人貞元十六年進士又

相後既循州司馬

玉水記方流試帖淮南子水之方

重泉出美玉積水異常流如見清堪賞因知寶在

幽斗廻虹氣見。磬折紫光。浮中矩諧明德。同方叶。
至柔頰圭才有角。寫月讓。成鈞異寶。雖無曆逢時。
願俯收。

春秋孔演圖。竟者斗之。亂精也。注斗失度則虹。霓見。禮氣如白虹。禮立則磬折垂佩。梁元帝啟。紫玉。昆。稱黃金為。紫光。禮折旋中。知。又答志同方。老子水。天下之至柔。禮珪形方而銳上。

李行敏 子里未詳貞元中宏詞刊登第

觀度雲圖 省賦
織素傳休祉。丹青狀慶寧。非煙凝漠漠。似蓋生紛紛。同註從龍意。全舒依日。文光從五色。起彭阿瓦。

霄分。裂素留嘉瑞。披圖賀聖君。寧同窺汗漫。方此

曙氛。 史記若煙非烟。若雲非雲。郁郁紛紛。蕭索輪囷。是謂卿雲。南史五彩雲在松上如車蓋。李處中。字見之。端之子。元和中進士。累官中書舍人。知制誥。終吏部侍郎。

初日照鳳樓 賦帖
旭景開宸極。朝陽燭帝居。斷霞生峻宇。通閣麗晴虛。流彩連朱檻。騰輝照綺疏。寅賓趨陛後。義駕奉

車初。黃道龍光合。丹輦鳥翼舒。倘蒙迴一顧。願上十輝書。 周禮春官。眠。後。享。十。輝。之法。以觀。歟。漢書。日有中道。謂黃道也。詩。如鳥斯革。如翬斯飛。

翠

○沈亞之字下賢吳興人元和中進士

春色滿皇州詩

謝眺和徐都曹出新亭清詩宛洛佳遊遊春色滿皇州

何處春暉好偏宜在雍州花明夾城道柳暗曲江頭風軟游絲重光融瑞氣浮關雉憐短艸乳燕傍高樓繡轂盈香陌新泉溢御溝行看日近處進騎似川流

雍州長安也夾城曲江關雉坊御溝俱在長安

○裴夷直字禮卿河東人登進士第文宗時官中書舍人歷任刺史終散騎常侍

觀淬龍泉劍詩

越絕書楚王召風胡子觀風冶作劍名龍淵以其水可淬劍也

歐冶將成器風胡幸見逢發矚思刺玉投水化為

龍詎肯藏深匣終期用刺鐘白帖下將之劍華生寶鏐秋日

霜鋒鍊質纔三尺吹毛過百重擊磨如不倦提握

願長從

莊子若新發于劍玉篇刺載也吳均詩蓮花穿寶鏐秋月掩刀環

劉得仁字里未詳係貴主之子長慶中即以詩名後卒未遇

蓮花峰詩

華山志山頂有池生千葉蓮華服之羽化故名北有蓮花峯視諸峯為更高

太華萬餘重岩巖最上峯當秋倚寥泲入望似芙蓉

蓉翠拔于尋直琢句青危一朶穠氣分毛女秀靈有羽
人蹤倒影侵官路流香激廟松藕如船十丈望裏

豁心胸

列仙傳毛女在華陰山中山客獵師世世見之
自言秦始皇時宮人山有仙人掌述征記
山下有華嶽廟列松柏

顧况

送從兄使新羅

六氣銅渾轉三光玉律調河宮清奉費海岳宴來
朝地絕提封人天平錫貢饒揚威輕破虜柔服恥
征遼曙色黃金問寒聲白鷺潮樓船非習戰驄馬

是嘉招帝女飛銜石鮫人賣淚綰管寧雖不偶徐

市倘相邀獨島懸空翠孤霞上沈寥蟾蜍同漢月

蟬螬異秦橋水豹橫吹浪花鷹迴拂霄晨裝凌莽

渺夜泊記招搖幾路通圓嶠何山是沃焦颶風晴

泊起陰火暝潛燒鬚髮成新髻人參長舊苗扶桑

御日近析木帶津遙夢向愁中積魂當別處銷臨

川思結網見彈欲求鴉共散羲和厯誰差甲子朝

滄浪仗忠信譯語辨謳謠疊鼓鯨鱗隱陰帆鷁首

飄南溟隨大翼西海飲文鯨指景尋靈艸排雲聽

洞簫封侯萬里外未肯後班超風骨未高才情煥發

左天有六氣陰陽風雨晦明也漢名臣奏蔡
史官所言天體者有三家推渾天者近得其情今
三光日月星也後漢律歷志侯氣之法殿中
用玉律十二唐韻書音熾說文會禮也
場紀大業七年征遼七發壽始起也若白鷺
之下翔精衛自呼赤帝之女街石填海鮫人
居水底織紉出賣魏寧營傳將家屬浮海
始皇使徐市入海求仙齊地記始皇作石橋
欲過海觀日出處西京賦灃水豹漢天文
志近北斗者招搖圓嶠沃焦海中名江賦
出信陽而長適涼大壑與沃焦海中名江賦
博物志凡水源有流黃其泉則温故雄風日
云陰火海賦陽水不冷陰火潛然

殷

實

字未詳陳郡人寧以孝聞應宏詞科為永寧尉

公元皇帝應見賀聖祚無疆韻八

應歷生周日修祠表漢年復茲泰嶺上更似霍山

前昔贊神功啟今符聖祚延已

題金簡字仍請玉

堂仙睿祖光元始曾孫體又宏

言因六夢接慶叶

九齡傳北闕心超矣南山壽固

然無由同拜慶竊

林賀陶甄舊唐書開元二十年

四月帝夢城南山

側犬寶元年正月田同秀稱於

京師永昌街樓觀之

見玄元皇帝以天下太平聖壽

無疆八言傳於今

上又云桃林縣故關令尹喜宅

旁有靈寶符發使

求而得之獻於舍元殿高祖

武德三年吉善行

於羊角由見白衣老父曰為我

語唐天子吾是

老君即汝祖也高祖即遣使致

祭立廟於其地

時老子為周柱史列仙傳漢

成帝立祠

陸贄字敬輿嘉興人年

十八登進士第又

士未泚反帝如奉天贄從

幸知無不言詔詰

皆出其手與元詔下罪已

深切遠近皆感動

流涕貞元八年入相事之不可者力爭之或
規其大過贊曰吾上不負天子下不負所學
遠他師乎裴延齡擢之貶思州
別駕卒後贈兵部侍郎諡曰宣

禁中春松

詩帖

陰陰清禁裏蒼翠滿春松雨露恩偏近陽和色更
濃高枝分曉日虛吹雜宵鐘香助鑪煙遠形疑蓋
影重願符千歲壽不羨五株封倘得迴天眷全勝
老碧峯秦王封泰山逢疾風暴雨得松樹庇之封
為五大夫非五株也然唐人誤認者多
王褒松詩空林鳴暮雨虛谷
鐘 王策記于載之松有如
偃蓋

白居易

微之整集舊詩及文筆為百軸以七言長

句寄樂天樂天次韵酬之餘思未盡加為

六韻重寄

七言長律不另
列附五言中

海內聲華併在身篋中文字絕無倫遙知獨對封
章艸忽憶同為獻納臣走筆往來盈卷軸自注子
與微之
前後寄和詩數百篇除官遞互掌絲綸子除中書
舍人微之
近代無如此多有也撰制詞微之除翰
林學士子撰制詞制從長慶辭高古微之長慶初
知制誥文格
高古始變俗體繼者效之也詩到元和體變新眾稱元白為于
字律詩以號元
和各有文姬才稚齒蔡邕無兒有
女瑛字文姬俱無通子繼餘
塵陶潛小兒
名通子琴書何必求王祭與女猶勝與外人
魏志蔡邕聞王粲在門倒屣
迎之謂座客曰此
王公孫也有異材吾家書籍
文章盡當與之

泛太湖書事寄微之

越絕書太湖周
三萬六千頃

煙渚雲帆處處通。飄然舟似入虛空。玉杯殘酌巡
初匝。金管徐吹曲未終。黃夾纈林寒有葉。碧琉璃
水淨無風。避旗飛鷺。翻翻白鷺。鼓跳魚。跋刺紅澗
雪。壓多松。偃蹇巖泉滴。久石玲瓏。書為故事。留湖
上。自注所見勝景多
記在湖中石上吟作新詩寄浙東。軍府威容
從道盛。江山氣色定知同。報君一事君應羨。五宿

潒波皓月中

謝靈運賦魚
水深而撥刺

元稹

賦得數萸

試帖 萸時有草夾階而生每
月朔日一萸生至十五日而足

十六日一萸落至晦而
盡月小一萸厭而不落

將課司天曆。先觀近砌萸。一旬開應月。五日數從
星。桂滿叢初合。蟾虧影漸零。辨時長有數。素問或
餘青。墜葉推前事。新芽察未形。堯年始今歲。方欲

瑞千齡

抱朴子堯年觀
萸莢以知月

徐嶷

送日本使還

絕國將無外。扶桑更有東。來朝逢聖日。歸去及秋
風。夜沉潮洞際。晨征莽蒼中。鯨波騰水府。蜃氣狀
仙宮。天眷何期遠。王文久已同。相望杳不見。離思
托飛鴻。猶有盛唐家數

張繼

送判官往陳留

一統志陳留在開封府城東五十里

齊宋分廵地。頻年此用兵。女停襄邑杼。農廢汝陽
耕。少者乘輶去。諸藩擁節迎。深仁佐君子。薄賦恤
黎甿。火燎原猶熱。風搖海未平。應將否泰理。一問

魯諸生

期之後以深仁薄賦漢地理志陳留郡襄邑又魯國縣汝陽運命論蹇裳而涉汝陽之正則天下之稼如雲矣

武元衡

途次近蜀驛蒙恩賜寶刀及飛龍廐馬使

還因寄李鄭二中書

草草事行役。遲遲出故關。碧幢遙隱霧。紅旆漸依山。
威激醉恩淚。風霜去國顏。捧刀金錯字。歸馬玉
連環。威鳳翔雙關。征夫護百蠻。應憐宣室召。溫樹
不同攀。

晉與服志卓輪車上和青油幢三公有勲德者用之後漢書詔賜應奉金錯把刀古今注

孫文臺獲青玉
馬鞍連環惹絲

○裴度

中書郎事

有意効承平。無功荅聖明。灰心緣忍事。霜髮為論

兵道直身還。在恩深命轉輕。鹽梅虛擬議。葵藿是

平生。白日常懸照。蒼蠅謾發聲。嵩陽舊田里。終使

謝歸咩。

嵩山在河南

中和節詔賜公卿尺牘

陽和行慶賜。尺度為臣工。寵賚乘佳節。傾心立大

中。短長思合製。遠近貴攸同。其荷裁成德。將酌分

寸功。作程施有用。垂範播無窮。願續延洪壽。千春

奉聖躬。尚書天降割于我家不少延洪惟我幼冲

借尺意以祝聖壽最有関合後人改南山遂成套語

楊雄箴惟都作程

○韓愈

送鄭尚書赴南海

番禺軍府盛。欲說暫停盃。益海旗幢出。連天觀閣

開。衙時龍戶集。上日馬人來。風靜鷄鷓去。官廉蚌

蛤迴。貨通師子國。樂奏武王臺。事事皆然。莫無嫌

屈大才。龍戶探珠戶也。馬人因馬援留南蠻去。後有不去者十二戶。隋末衍至三百戶。皆

姓馬俗以爲馬留人。

一統志廣東廣州府番禺縣附郭。吳都賦飛雲蓋海。真臘風土記每日國主兩次坐衙治事。鷄鴨海鳥蚌蛤用合浦還珠事。唐西域傳師子國居西南海中以寶置洲上。商舶償直輒取去。漢南越王傳。趙佗自立爲南越武王。

學諸進士作精衛銜石填海

鳥有償冤者。終年抱寸誠。口銜山石細。心望海波平。渺渺功難見。區區命已輕。八皆譏造次。我獨賞專精。豈計休無日。惟應畢此生。何慙刺客傳。不著報讐名。清空 羅灑本非試場中作自然脫去卑靡

述異記昔黃帝女溺死東海中化爲精衛其各自呼每銜西山木石填東海一名冤禽俗呼帝雀女。

柳宗元

訓婁秀才寓居開元寺早秋月夜病中見

寄

客有故園思。滿湘生夜愁。病依居士室。夢繞羽人邱。味道憐知止。遺名得自求。壁空殘月曙。門掩候蟲秋。謬委雙金重。難將雜佩酬。碧霄無枉路。徒此助離憂。

老子知足不辱知止不殆。古詩客從東南來遺我雙南金。詩雜佩以贈之。

賈島

別徐明府

抱琴非本意。生事偶相縈。口尙袁安節。身無子賤名。地寒春雪盛。山淺夕風輕。百戰餘荒野。千夫漸偶耕。一杯宜濁夜。孤客戀交情。明日疲驂去。蕭條過古城。

李商隱

戲贈張書記

別館君孤枕。空庭我閉關。池光不受月。野氣欲沈山。四句言張之關河夢幾還。危絃傷遠道。明鏡惜

紅顏。古木含風久。平蕪盡日閒。心知兩愁絕。不斷

若連環。

星漢用牛女事。雲笈七籤皮危絃而蓄哀酌淮南子連環不解其解之以不解

武侯廟古栢

蜀相階前柏。龍蛇捧闕宮。陰成外江畔。老向惠陵東。大樹思馮異。甘棠憶召公。葉彫湘燕雨。枝折海鵬風。玉壘纏綸遠。金刀歷數終。誰將出師表。一為

報昭融。

方輿勝覽水自渝上合州至綿州者謂之內江自渝上戎瀘至蜀者謂之外江蜀志昭烈帝葬惠陵後漢馮異傳諸將並坐論功異獨屏樹下軍中呼為大樹將軍詩序甘棠美召伯

也 零陵石燕遇風雨則飛舞北海鵝化為鵬
玉壘山在成都 王莽傳劉之為字卯金刀也

月照冰池 省試

皓月方離海堅冰正滿池金波雙激射壁彩對參

差影占徘徊處光含的皜時高低連素色上下接

清規顧兔飛難定潛魚躍未期鵲驚俱欲繞狐聽

始無疑似鏡將盈手如霜恐透肌獨憐遊翫意達

曉不知疲

金波月也 尚書中候甲子冬至日月如懸壁

說文的皜明珠光也 梁簡文詩青山銜月

規何遜七召陵鳥始照官槐遠而欲舒顧兔

纒滿庭英紛而就落曹植詩潛魚躍清波

魏武詩月明星稀烏鵲南飛繞樹三匝何枝可

依述征記孤善臨水下無水吉然後過河

陸機詩攬之不盈手 蘇

有感 為甘露之變而作前一首恨李誦鄭

也 注之淺謀後一首答文宗之課任非

唐書文宗以宦者權寵太盛思欲芟除

根本李誦既因鄭注得幸上密以誠告

之擢為禮部侍郎同平章事誦既秉權

衡即謀誅內豎以注為鳳翔節度使先

未赴鎮間廣合召募豪傑太和九年乙

卯十一月二十一日上御紫宸班定金

吾街使韓約不報平安奏曰金吾左仗

院石榴開夜來有甘露宰相百官稱賀

李誦請上親幸左仗觀之班退上乘軟

輿出紫宸門升含元殿令宰相兩省官

先往視既還日臣等恐非真甘露不敢

輕言上曰韓約妄耶命左右中尉仇士

良魚志弘帥諸內臣往視既去誦召王

璠郭行餘日來受赦旨璠恐棟不能前行餘獨拜殿下時兩鎮官健皆執兵在丹鳳門外訓已令召之惟璠從兵入邪寧兵竟不至士良等至左仗聞幕下有兵聲驚恐走出闕者欲扇鎖之為士良所叱關不得上士良等圍奏曰事急矣請陛下入內即舉軟輿迎帝訓呼金吾衛士曰來上殿護乘輿疾趨訓攀呼曰陛下不得入內金吾兵已登殿京兆尹羅立言中丞李孝本率臺府從人四百餘人上殿縱擊內官死傷者數十人乘輿入宣政門訓攀呼益急宦者郗志榮奮拳擊其胸訓仆地乘輿既入門即闔門吏內官率禁兵五百人露刃出東閣門遇人即殺訓璠行餘約立言孝本及宰相王涯賈餗舒元與等皆族誅注為鳳翔監軍所殺傳首京師

九服歸元化三靈叶睿圖如何本初輩自取屈釐

誅有甚當車泣因勞下殿趨何成奏雲物直是滅

萑苻證逮符書密辭連性命俱竟緣尊漢相不早

辨胡雛鬼錄分朝部軍烽照上都敢云堪慟哭未

免怨洪爐也至使天子下殿無辜謬逮不亦可哀

之甚哉

周禮有九服侯甸男采衛蠻夷鎮藩也三靈天地人也又指日月星後漢袁紹傳中常侍段珪等殺何進劫帝及陳留王走小平津紹勒兵捕諸闈人無少長皆殺之珪等悉赴水死紹字本初漢書劉屈氂中山靖王子也征和二年為左丞相郭舉告與貳師共禱祠欲令昌邑王為帝有詔載屈氂厨車以狗腰斬東市魏志嘉平六年景王廢帝遣使者授齊王印綬當山就西宮帝受命遂載玉車與太后別垂涕始從太后殿南出羣臣從者數千人司馬孚悲

不自勝餘多流涕 梁諺天子下殿走雲物見
前于尹躬詩 左典徒兵以攻萑苻之盜盡殺
之 舊書李訓事敗王涯等倉皇步出為禁兵
所擒并其家屬奴婢皆繫獄仇上良鞠涯反狀
涯實不知其故械縛既急榜笞極酷乃令手書
反狀自誣與訓同謀獄具腰斬 漢書王商容
貌過人單于大畏之天子曰此真漢相矣 晉
書石勒年十四倚嘯上東門王衍顧謂左右曰
向者胡雛吾觀其聲視有
異志遣使收之會勒已去

丹陛猶敷奏 彤庭歎戰爭 臨危對盧植始悔用龐

萌御仗收前殿 兵徒劇背城 蒼黃五色棒掩遏一

陽生占有清君側 今非乏老成 素心雖未易 此舉

太無名 誰瞑銜冤目 寧吞欲絕聲 近聞開壽讌不

廢用咸英 變起倉卒方悔信任之誤君側非不可

元衛宛生者飲恨而閉成元年上

原注是晚獨召故相彭陽公

誅宦官乃召董卓以懼太后植知卓肉骨難制

必生後患固止之進不從及卓至果凌虐朝廷

議欲廢立羣臣無敢言植獨抗議不同卓怒罷

會又平敵將軍龐為入遜順帝信愛之使

與蓋延共擊董卓詔書獨下延而不及萌疑

遂反帝大怒自將討之與諸將書曰吾嘗以萌

為社稷臣將軍得無笑其言乎 魏志太祖除

洛陽尉造五色棒各十餘枚懸左右犯禁者不

避豪強棒殺之京師斂跡 舊書開成元年上

元賜百寮曲江亭宴令狐楚以新誅大臣不宜

賞宴獨稱疾不赴時論美之 樂緯黃帝樂曰

咸池帝嚳 樂曰六英

大虜平後移家到永樂縣居書懷十韵寄

劉韋二前輩二公嘗於此縣寄居

本集作大鹵汪大鹵太原晉陽地唐書會昌四年正月河東都將楊弁逐節度使李石據軍府應劉稹三月李義忠克太原生擒弁盡誅亂卒又永樂縣屬河中府

驅馬遶河千家山照露寒依然五柳在况值百花

攢昔去驚投筆今來分挂冠不憂懸磬乏乍喜覆

孟安甌破寧迴頭舟沉豈暇看脫身離虎口移疾

就猪用鬣入新年白顏非舊日舟自悲秋獲少誰

懼夏畦難逸志忘鴻鵠清香披蕙蘭還持一杯酒

坐想二公權

上林賦注露寒觀名在雲陽甘泉宮左室加懸磬東方朔傳連四海之外以為席安于覆

孟後漢書孟敏荷甌墮地不顧其故曰甌已破矣視之何益豫章記孟友夜射白鹿尋踪不見乃見箭著一梓樹伐之取一板為牀後友船行遇風作皆沒惟友船獨全尋看乃向梓板夾扶其船史記叔孫通傳我幾不脫于虎口後漢書太原閔仲叔客居安邑老病家貧不能肉日買猪肝一片令聞之救吏常給仲叔曰豈可以口腹累安邑遂去陳涉傳燕雀安知鴻鵠之志哉

杜牧

題安崇西平王宅太尉愬院六韻

唐書李晟以功進封西平王其子愬襲父廕封涼國公贈太尉

天下無雙將關西第一雄授符黃石老學劍白猿翁矯矯雲長勇恂恂卻穀風家呼小太尉國號大

梁公半夜龍驤去中原虎穴空隴山兵十萬嗣子

握珣弓

淮陰侯傳蕭何曰諸將易得耳至如信者國士無雙關西出將黃石即黃石公白猿善劍蜀志關羽字雲長晉書晉文以御毅為元帥而定霸功晉王濬為龍驤將軍後漢班超傳不入虎穴焉得虎子

公乘億字壽仙魏人咸通中進士為魏博節度使樂彥禎從事後加授侍郎

郎官上應列宿帖

後漢書館陶公主為子求郎明帝不許謂羣臣曰郎官上應列宿出宰百里焉非其人則民受其殃是以難之

北極佇文昌南宮早拜郎紫泥乘帝澤銀印佩天

光緒結三台側鈎連四輔傍佐商依傳說仕漢笑

馮唐委佩搖秋色峩冠帶曉霜自然符列象千古

耀巖廊

史記斗魁戴匡六星曰文昌宮尙書百官府曰南宮西京雜記漢以武都紫泥為聖室漢百官公卿表二千石以上皆銀印青綬天官書魁下六星曰三台又注後勾四星為四輔莊子傳說相武丁奄有天下乘東維騎箕尾而比于列星漢紀馮唐白首老於郎署

馬戴

水始冰府

南池寒色動北陰歲陰生薄薄流漸聚澹澹翠激平暗霽霜稍厚迴照日還輕乳竇懸殘滴湘流減

卷十八

恨聲那堪金井貯。會映玉壺清。潔白心誰識。空期飲此明。

風俗通。水流日漸。西征賦。青蕃蔚乎翠滋。說文。激水波也。江淹詩。乳實既滴。瀝。鄴中記。石季倫于冰井臺藏冰。

張喬

月中桂州

與月轉鴻蒙。扶疎萬古同。根非生下土。葉不墮秋風。二語刺秦密葉圓時足。低枝缺處空。二語自然影高羣木外。香滿一輪中。未種丹香口。應虛白兔宮。何當因羽化。細得問元功。

杜荀鶴

御溝新柳

律到九重春。溝連柳色新。種極秀細籠穿禁水。輕拂入朝人。日近韶光早。天低聖澤勻。谷鶯栖未穩。宮女畫難真。楚國空搖浪。隋堤暗惹塵。何如帝城裏。先得撥龍津。

梁元帝詩。柳葉生眉上。江淮間。家家種柳隋。築堤植柳。名隋堤。三秦記。昔有黑龍從南山出。飲渭水。故名龍津。

焦郁一作周存

賦得白雲向空盡

白雲生遠岫。搖曳入晴空。乘化隨舒卷。無心任始

終。欲銷仍帶日。將斷不因風。勢薄飛難見。天高色

易窮。影收元氣表。光滅太虛中。倘若乘龍去。還施

潤物功。刻畫無痕。試帖中名作。

古詩浮雲蔽白日。纂要天地元氣之所生。莊子道不遊大虛。

◎李景子未詳。隴西人。

都堂試士日慶春雪試帖

密雪分天路。羣才坐粉廊。靄空迷晝景。臨宇借寒

光。似暖花融地。無聲玉滿堂。灑詞偏誤曲。留硯或

因方。幾處曹風比。何人謝賦長。春暉早相照。莫滯

九衢芳。曲有誤。周郎顧句。從試士自謙。曲名白雪。亦可奉入。因方謝惠連雪賦。或因方而為。

玕着留硯二字。亦與試士關合也。曹風麻衣如雪。唐時士子入試俱穿白衣。

◎梁鉉未詳。

天門街觀榮王聘妃試帖

唐書靖恭太子琬始王鄂後徙封榮王。又十一宗諸子傳。憲宗子榮三。

帝千乘龍夜。三星照戶前。兩行宮出火。十里道鋪

筵。羅綺明中識。簫韶暗裏傳。燈攢九華扇。帳撒五

銖錢。交翼文鴛合。和鳴彩鳳連。欲知來日美。雙拜

紫微天。

魏志黃憲李膺俱娶太尉桓焉女。時人謂桓叔元兩女俱乘龍。詩三星在戶。西京雜記趙

飛燕為皇后上賜九華扇原始撒帳始於漢
武李夫人初至帝迎人帳中其坐歡飲之後預
戒宮人遙撒五色同心花果帝與夫人以衣裾
盛之云得多得子多也漢武紀行五銖錢
黃滔字文江莆田人乾寧二年進士光化
州人避地者中官監察御史襄行王審知據閩中
多主於滔

丙出白鹿宣示百官省武

上瑞何曾乏毛羣表色難珍於四靈外宣示百僚
白駒白死作
觀形奪場駒潔光交月兔寒已馴瑤艸列孤立雪
花團戴豸慚端士抽毫躍史官貴臣歌咏日皆作

白麟看

唐百官志白狼赤兔為上瑞蜀都賦毛羣陸
離羽族紛泊禮麟鳳龜能謂之四靈瑤艸

仙草江淹詩階前水光裂樹上雪花團
解豸冠名月賦抽進牘毫漢武紀元狩元
年冬十月行幸雍祠五
時獲白麟作白麟之歌

徐夔字昭夢莆田人乾寧中進士授秘書
省正字依王審知不合歸隱延壽溪

東風解凍試帖

暖氣發蘋末凍痕銷水中扇冰初覺泮吹海旋成
空入律三春變朝宗萬里通岍分天影闊色照日
光融波起輕搖綠鱗游乍躍紅殷勤拂弱羽飛翥
趣和風

濮陽瓊

出籠鵲京兆府試

廣韻鵞鷹屬似山雀而小尾青黑色雜
組鷹五月中旬拔毛入籠八月中出籠

玉鏃分花袖金鈴出彩籠搖心長捧日逸翮生

風一點青霄裏千聲碧落中星眸隨狡兔霜爪落

飛鴻每念提攜力嘗懷搏擊功以君能惠好不敢

沒遙空

傅休奕鷹賦目類星明 雜
雀鷹日紫爪白故曰霜爪

無名氏

霜隼下晴臯試帖

九臯霜氣勁翔隼下初晴風動閒雲卷星馳白艸

平稜稜方厲疾肅肅自縱橫掠地秋毫迥投身逸

翩輕高墉全失影逸雀作飛聲薄暮寒冽外悠悠

萬里情

禽經集好翔
札征鳥厲疾

燕城賦稜稜霜氣肅肅風威
易公用射隼于高墉之上 左
如鷹鷂之
逐鳥雀也

無名氏

古鏡府試

舊是秦時鏡今藏古匣中龍盤初挂月鳳舞欲生

風硯滴方諸水庭懸軒帝銅應祥知道秦鑑物覺

神通肝膽誠難隱妍蚩豈易窮幸依君子室長得

免塵蒙

卷十八

西京雜記秦始皇有方鏡照見心膽
顧信鏡
賦以五色之盤龍
類苑何都
出古鏡
普隨
組以蓮葉承之
軒轅內傳
奇會王母
壽鏡十二
隨
鏡屬取水
江總鏡銘
去楊命巧
中呂呈神
二隨
月用之
鏡九寸
自照有所
思存七日
則見神
仙知千里
外事也

唐詩別裁集引典備註卷十九

長洲沈德潛歸愚選

後學俞汝昌增註

五言絕句

文宗皇帝

宮中題
大和九年
殺王涯
鄭注後仇士良
上遊幸往往獨語左右莫敢

進因賦此

輦路生秋草上林花
滿枝憑高何限意無復侍臣

知

虞世南

詠蟬

垂綏飲清露流響出疎桐居高聲自遠非是藉秋

風命意自高詠蟬者每品格

禮范則冠而蟬有綏温蟬賦飢喻晨風渴飲朝露

王勃

寒夜思二首

久別侵懷抱他鄉變容色月夜調鳴琴相思此何

極子安五言淡然無意要是為正始之音

雲間征思斷月下歸愁切鴻雁西南飛如何故人

別

思歸

飛長江悲已滯萬里念將歸況復高風晚山山黃葉

江亭月夜送別

江送巴南水山橫塞北雲津亭秋夜月誰見泣離

羣意雖未深卻為正聲之始

一統志巴江源出大巴山至巴縣東南分為三流而中央橫貫勢若巴字

楊炯

夜送趙縱

趙氏連城壁由來天下傳送君還舊府明月滿前

川

史記趙得和氏璧
璧趙王遣相如奉
城前日璧有瑕請
者懷璧從徑道歸
茅縮酒
秦遺趙王書願以十五城易
璧奏秦王視秦王無意償趙
指示王王授璧相如乃使從
趙成信詩欲競連城王翻徵

○盧照鄰

曲池荷

浮香繞曲岸圓影覆華池常恐秋風早飄零君不

知言外有抱才不遇
知早年零落之感

楚詞畫船
遊乎華池

○駱賓王

易水

一統志易水在
定府安州城北

此地別燕丹壯士髮衝冠昔時人已沒今日水猶

寒口齒
俱爽

水經注太子丹遣荆軻刺秦王祖道于易水上
皆素衣冠送之史記荆軻至易水上歌曰風

蕭蕭兮易水寒壯士一去不
復還士皆瞋目髮盡上指冠

○韋承慶

南行別弟

萬里人南去三春雁北飛未知何歲月得與爾同

歸不煩斤削自是天籟
以自然為宗此種最是難判

○宋之問

卷十九

送杜審言

臥病人事絕。嗟君萬里行。河橋不相送。江樹遠含情。

渡漢江

嶺外音書斷。經冬復歷春。近鄉情更怯。不敢問來人。即老杜反畏消息來寸心亦何有意

張說

蜀道後期

客心爭日月。來往預期程。秋風不相待。先到洛陽城。以秋風先到形出已之後期巧心潛發

郭元振

子夜春歌

陌頭楊柳枝。已被春風吹。妾心正斷絕。君懷那得知。

蘇頲

汾上驚秋

北風吹白雲。萬里渡河汾。心緒逢搖落。秋聲不可聞。一氣流注中仍復含蓄五言佳境

水經汾水出太原汾陽縣漢武歌之樓船分濟河汾

將赴益州題小園壁

歲窮將益老。春至卻辭家。可惜東園樹。無人也作花。

張九齡

自君之出矣

樂府詩集雜曲。詠辭徐幹。閨情詩。自君之出矣。明鏡閣。不治思君如流水。何有

自君之出矣。不復理殘機。思君如滿月。夜夜減清

輝。巧思全在。滿字生出。

照鏡見白髮

宿昔青雲志。蹉跎白髮年。誰知明鏡裏。形影自相

憊。曲汗抱伯仲。伊呂之志。而今其蹉跎以老。唐室所以衰也。中。藏得任用匪人之意。

于季子

項羽

北伐雖全趙。東歸不王秦。空歌拔山力。羞作渡江

人。不著。議論。

王

適。州人。武后時。糊名考選。入。第二等。官至苑州司功參軍。

江上梅

忽見寒梅樹。花開漢水濱。不知春色早。疑是弄珠

南都賦。遊女弄珠于漢皋之曲。

卷十九

○虛 僎 中宗時人自開喜尉人
為學士終吏部員外郎

南樓望

去國三巴遠登樓萬里春傷心江上客不是故鄉

人

○崔國輔

魏宮詞

朝日照紅粧凝上銅雀臺畫眉猶未了魏帝使人

催

帝指曹丕見父死而彰穉德
也卞后顯言之此詩婉言之
魏志建安十五年冬太
祖乃鄴作銅雀臺

怨詞

妾有羅衣裳秦王在時作為舞春風多秋來不堪

著 可以怨

樂府題注秦王卷衣言
秦王卷衣以贈所歡也

少年行

遺卻珊瑚鞭白馬驕不行章臺折楊柳春日路傍

情

涼州記發張駿陵得鞭飾以珊瑚 漢張敞傳
走馬章臺街事文類聚張敞走馬街有柳唐詩
謂之章臺柳

○崔曙

雨中送客

別愁復兼雨。別淚還如霰。寄言海上雲。千里長相見。

崔顥

長干曲二首

長干里在上元縣

君家住何處。妾住在橫塘。停舟暫借問。或恐是同鄉。

不必作桑濮看。橫塘在應天府近長干。

家臨九江水。來去九江側。同是長干人。生小不相識。

此答前問詞

漢地理志九江郡壽春邑

下渚多風浪。蓮舟漸覺稀。那能不相待。獨自逆潮歸。

此首本江南曲從萬首絕句本誤入

儲光羲

江南曲

樂府解題江南古辭蓋美芳辰麗景嬉遊得時也

日暮長江裏。相邀歸渡頭。落花如有意。來去逐船流。

豔而不衰

洛陽道

樂府遺聲都邑三十四曲有洛陽陌

大道直如髮。春日佳氣多。五陵貴公子。雙雙鳴玉珂。

有世胄躡高位。英俊沉下僚之感

卷十九

梁元帝詩洛陽開大道鮑照詩馳道直如髮通典鵬入海化為代可為馬勒謂之珂

王維

臨高臺送黎拾遺古樂府有臨高臺曲

相送臨高臺川原杳無極日暮飛鳥還行人去不

息寫離情能不露情態最高

鳥鳴澗

人閒桂花落夜靜春山空月出驚山鳥時鳴春澗

中諸詠聲息臭味迥出常格之外任後人摹仿不到其故難知

鷓鴣堰

乍向紅蓮沒復出青蒲颺獨立何離從銜魚古查

上

海賦鳧雛離從鶴子淋
滲廣韻查水中浮木

孟城坳

新家孟城口古木餘衰柳來者復為誰空悲昔人

有言後我而來者不知何人又何必悲昔人之所有耶達人每作是想

鹿柴

空山不見人但聞人語響返景入深林復照青苔

上作處不在語言與陶公采菊東籬下悠然見南山同

四時集發日西落光返照于東謂之返景

竹里館

卷十九

八

獨坐幽篁裏，彈琴復長嘯。深林人不知，明月來相照。

楚詞：余處幽篁，分終不見天。又臨深水而長嘯。

辛奇鳴

木末芙蓉花，山中發紅萼。礪戶寂無人，紛紛開且落。

幽極，借用楚詞。因顏色相似也。

山中送別

山中相送罷，日暮掩柴扉。春艸年年綠，王孫歸不歸。

歸

庚肩吾詩：未必遊春艸，王孫自不歸。

雜詠

已見寒梅發，復聞啼鳥聲。愁心視春草，畏向玉階生。

生

君自故鄉來，應知故鄉事。來日綺窗前，寒梅著花未。

未

苔裴迪

赤嶽嶽，寒流廣。蒼蒼秋雨晦，君問終南山。心知白雲外。

外

息夫人 寧三取賣餅者，妻問曰：汝憶餅師否？默然不對。維時在坐，即席吟此詩。王因還之。

莫以今時寵難忘舊日恩看花滿眼淚不共楚王

言

左楚子滅息以息嬀歸生堵敖及成王焉未言楚子問之對曰吾一婦人而事二夫從弗能死其又奚言

相思子

本草相思子一名紅豆

紅豆生南國春來發幾枝勸君休采擷此物最相

思

田園樂

六言不能更列一體附五言後

采菱渡頭風急策杖林西日斜杏樹壇邊漁父桃

桃源裏人家

莊子孔子遊乎緇帷之林休坐乎杏壇之上鼓琴未半有漁父者招孔子貢子路客指孔子曰彼河爲者也子路曰孔氏客曰孔氏何治子貢曰服忠信行仁義將以利天下客笑曰仁則仁矣恐不免其身桃源見卷五

山下孤煙遠邨天邊獨樹高原一瓢顏回陋巷五

柳先生對門

論語一簞食一瓢飲在陋巷回也不改其樂陶潛著五柳先生傳以自况史記醫家盧中大夫賁赫對門

桃紅復含宿雨柳綠更帶朝煙花落家僮未掃鳥

陪山客猶眠

卷十九

裴迺

木蘭柴

蒼蒼落日時，鳥聲亂溪水。緣溪路轉深，幽興何時

已。較之王作味差薄矣。然筆意古淡。白是朝川一泓，宜其把臂入林也。

茶黃少

飄香亂椒桂，布葉間檀欒。雲日雖迴照，森沉猶自

寒。

劉向九歎椒桂羅以顛覆兮，有竭信而歸誠。枚乘兔園賦修竹檀欒，夾水碧鮮。

宮槐陌

門前宮槐陌，是向欽湖道。秋來山雨多，落葉無人

掃。

孟浩然

宿建德江

一統志嚴州建德縣有新安江，又有東陽江。

移舟泊煙渚，日暮客愁新。野曠天低樹，江清月近

人。下半寫景而客愁自見。

祖詠

望終南殘雪。紀事云有司以此題試士，詠成四句，納於有司，問之曰：意

盡而止。

終南陰嶺秀，積雪浮雲端。林表明霽色，城中增暮

寒

王昌齡

題僧房

棕欄花滿院。苔蘚入閒房。彼此名言絕。空中聞異

香

作禪寂語。超而又超。

廣雅曰：餅欄，櫻也。廣志曰：餅欄，葉似車輪。本草：櫻欄，一名餅欄，俗作棕鬚。

送張四

清絕

楓林已愁暮。楚水復堪悲。別後冷山月。清猿無斷

時

畱別武陵田太守

按劍行千里。微軀感一言。曾為大梁客。不負信陵

恩

大梁信陵見卷五高適詩

朝來曲

日昃鳴珂動。花連繡戶春。盤龍玉臺鏡。唯待畫眉

人

書自朝至于日中昃。珂馬勒。漢張敞傳：敞為婦畫眉。長安中傳張京兆眉。有司以奏上問之。對曰：臣聞閨房之內。夫婦之私。有過於畫眉者。上愛其能。弗責也。

高適

哭單父梁少府

卷十九

開篋淚沾臆見君前日書夜臺猶寂寞疑是子雲居

阮瑪詩冥冥九泉室漫漫長夜臺選注墳墓日夜臺

岑參

見渭水思秦川

渭水東流去何時到雍州憑添兩行淚寄向故園流

舊注渭水出烏鼠山東至京兆入河咸陽古雍州地

題平陽郡汾橋邊柳樹

一統志太原府有南中橋在汾河上公自注曾居此郡八九年

依此地曾居住今來宛似歸可憐汾上知相見也依

九日思長安故園

強欲登高去無人送酒來遙憐故園菊應傍戰場

開可悲在戰場二字

王之渙

并州人兄之咸之賈皆能詩之渙與王昌齡高適倡和名重於時

登鶴雀樓

唐詩解注一統志鶴鳴樓在平陽府蒲州城上雀鳴聲相近疑傳寫之誤

白日依山盡黃河入海流欲窮千里目更上一層

樓四語皆對讀去不嫌其排骨高故也

卷十九

十三

送別

柳東門樹青青夾岸河。近來攀折苦。應為別離多。

薛奇童

吳聲子夜歌

淨掃黃金階。飛霜皎如雪。下簾彈箏篴。不忍見秋月。

王縉

別輞川

山月曉仍在。林風涼不絕。殷勤如有情。惆悵令人

別

崔興宗

留別王維

駐馬欲分襟。清寒御溝上。前山景氣佳。獨往還惆

悵。詩亦清寒可步。王孟後塵。

邱為

左掖梨花

此亦奉詔作

冷豔全欺雪。餘香乍八衣。春風吹莫定。吹向玉階

飛

張旭

卷十九

清溪汎舟

旅人倚征棹。薄暮起勞歌。笑攬清溪月。清輝不厭多。

李華

奉寄彭城公

公子三千客。人人願報恩。應憐抱關者。貧病老夸門。

魏公子無忌封信陵君食客三千人有隱士侯嬴年七十為大梁夸門監者

李白

玉階怨

王僧虔技錄相和歌楚調十曲有玉階怨

玉階生白露。夜久侵羅襪。卻下水精簾。玲瓏望秋

月。

妙在不明說怨南都賦羅襪躡蹠而參與本集注水精簾以水精為之如今之琉璃簾也

夜思

牀前明月光。疑是地上霜。舉頭望山月。低頭思故

鄉。

敬亭獨坐

名勝志敬亭山一名昭亭在宛陵宣城縣北即謝朓觀雨賦詩處

衆鳥高飛盡。孤雲去獨閒。相看兩不厭。只有敬亭

山傳獨坐之神
與前一首同

青溪半夜聞笛

羌笛梅花引吳溪隴水清寒山秋浦月腸斷玉關

情

樂府解題梅花落笛中曲也唐
大角曲有大梅花小梅花等曲

勞勞亭

古送別之所
在江寧縣南

八
骨
語

天下傷心處勞勞送客亭春風知別苦不遣柳條

送陸判官往琵琶峽

水國秋風夜殊非遠別時長安如夢裏何日是歸

期

重憶賀監

欲向江東去將誰共舉杯稽山無賀老卻棹酒船

迴

賀知章會稽
人授秘書監

杜甫

復愁

萬國尙防寇故園今若何昔歸相識少早已戰場

多先言今遺言昔早
已二字無限傷情

歸雁

卷十九

春來萬里客。亂定幾年歸。腸斷江城雁。高高向北飛。

武侯廟

遺廟丹青落。空山草木長。猶聞辭後主。不復臥南

陽。辭後主指出師二表言

漢晉春秋亮家於南陽之鄧縣在襄陽城西二十里號曰隆中

入陣圖

在魚復平沙之上陣勢有地風雲龍虎鳥蛇也

功蓋三分國。名成八陣圖。江流石不轉。遺恨失吞

吳。吳蜀唇齒不應相讐失吞吳失策於吞吳非謂恨未曾吞吳也隆中初見時已云東連孫權北

扼曹操矣

劉長卿

逢雪宿芙蓉

唐詩解江南諸山名芙蓉者數處未可定指

日暮蒼山遠。天寒白屋貧。柴門聞犬吠。風雪夜歸

人。

漢書注白屋謂白蓋之屋以茅覆之賤者所居也

送上人

孤雲將野鶴。豈向人間任。莫買沃洲山。時人已知

處。有三宿桑下已嫌其蓮意蓋諷之也

一統志沃洲山在紹興府新昌縣東三十里與天姥對峙道書為第十五福地

卷十九

送靈澈上人

蒼蒼竹林寺，杳杳鐘聲晚。荷笠帶斜陽，青山獨歸

遠。

南史黃鶴山北有竹林精舍與圖備攷鎮江黃鶴山鶴林寺舊名竹林寺

錢起

江行無題

咫尺愁風雨，匡廬不可登。祇疑雲霧裏，猶有六朝

僧。

廬山亦號匡廬

逢俠者

燕趙悲歌士，相逢劇孟家。寸心言不盡，前路日將

斜。

漢書劇孟洛陽人以俠顯

韋應物

宿永陽寄璨師

遙知郡齋夜，凍雪封松竹。時有山僧來，懸燈獨自

宿。

秋夜寄邱員外

懷君屬秋夜，散步詠涼天。山空松子落，幽人應未

眠。

列仙傳僊佺以松子遺堯堯不暇服也時人服者皆至二三百歲

登樓

茲樓日登眺流歲暗蹉跎坐厭淮南守秋山紅樹多

聞雁

故園渺何處歸思方悠哉淮南秋雨夜高齋聞雁

來歸思後說聞雁其情自深一倒轉說則近人能之矣

唐詩解曰淮南蒸刺淲時作也

富王卿送別

去馬嘶春草歸人立夕陽原知數日別要使兩情

傷

懷瑯琊二釋子

白雲埋大壑陰厓滴夜泉應居西石室月照山蒼

然

謝靈運石室詩石室冠林陬飛泉發山椒

劉方平

長信宮

夢裏君王近宮中河漢高秋風能再熱團扇不辭

勞翻用古意見其敦原厚

班婕妤好失寵居長信宮作怨歌云裁成合歡扇團團似明月常恐秋節至涼颺奪炎熱

采蓮曲

落日清江裏，荆歌豔楚腰。采蓮從小慣，十五即乘潮。

春雪

飛雪帶春風，徘徊亂繞空。君看似花處，偏在洛城

中。天寒風雪，獨宜於富貴之家，卻說來蘊藉。

何遜詩：洛陽城東西，卻作經年別。昔去雪如花，今來花似雪。

暢當：河東人，初從軍大歷中，成進士官梁州刺史。

登鶴雀樓

迥臨飛鳥上，高出世塵閒。天勢圍平野，河流入斷

山。不減王山之渙作。

耿漳

秋日

返照入閭巷，憂來誰與語。古道無人行，秋風動禾

黍。

顧況

憶舊遊

悠悠南國思，夜向江南泊。楚客斷腸時，月明楓子

落。

遊異記：南中有楓子鬼，楓木之老者爲人形。

盧綸

塞下曲二首

林暗草驚風將軍夜引弓平明尋白羽沒在石稜

中

白羽箭羽

月黑鴈飛高單于遠遁逃欲將輕騎逐大雪滿弓

刀雄健

贈李果毅

唐百官志左右果毅都尉掌貳郡尉

向日磨金鏃當風著錦衣土城邀賊語走馬載鵬

飛

李端

聽箏

風俗通箏五絃筑身

鳴箏金粟柱素手玉房前欲得周郎顧時時誤拂

絃吳綬眉謂因病致妍語妙

漢書神出玉房三國志周瑜文詩斜燈入錦帳微燂出玉房三國志周瑜吳中呼為周郎少精音樂雖三爵之後有誤必知時人謠曰曲有誤周郎顧

拜新月

開簾見新月即便下階拜細語人不聞北風吹裙

卷十九

三

帶對月訴情人自不聞語也近子夜歌

溪行遇雨寄柳中庸

日落衆山昏
蕭蕭風雨繁
那堪兩處宿
共聽一聲猿

皇甫曾

送王司直

西塞雲山遠
東風道路長
人心勝潮水
相送過潯陽潯不過潯陽

河論湖至潯陽而回

淮口寄趙員外

欲逐淮潮上
暫停魚子溝
相望知不見
終是屢回頭

司空曙

金陵懷古

輦路江楓暗
宮庭野艸春
傷心庾開府
老作北朝臣庾信聘於北周遂畱之官開府儀同三司時陳氏通好南北之士各還故國而周獨不遣信此哀江南賦所以作也

送盧秦卿

知有前期在
難分此夜中
無將故人酒
不及石尤風石尤風打頭逆風宋武帝詩願作石尤風尤風因而斷行旅送人時致畱人意

卷十九

三

金昌緒 臨安人

春怨 一作無名氏伊州歌

打起黃鸝兒莫教枝上啼啼時驚妾夢不得到遼

西 語音一何脆一氣蟬聯而下者以此為法

詩疏黃鸝幽州人謂之黃鸝一統志永平府秦遼西郡

柳 淡字中庸京兆人官洪府戶曹

江行

繁陰乍隱洲落葉初飛浦蕭蕭楚客帆暮入寒江雨

李益

鷓鴣詞

樂府遺聲山鷓鴣羽調曲也

湘江斑竹枝錦翅鷓鴣飛處處湘雲合郎從何處歸

洛橋

金谷園中柳春來似舞腰那堪好風景獨上洛陽橋

金谷園石崇別業梁簡文詩流風拂舞腰

戴叔倫

題三閭大夫廟

離騷經屈原仕於懷王為三閭大夫一統志廟在長沙府湘陰縣北六十里

沅湘流不盡屈子怨何深日暮秋風起蕭蕭楓樹

林憂愁幽思筆端繚繞屈子之怨豈沅湘所能流去耶發端妙

嚴維

送人往金華

唐地理志金華屬會稽郡

明月雙溪水清風入詠樓少年為客處今日送君

遊

雙溪在金華府城南八詠樓在府治西南隅

朱放字長通襄州人貞元中召為拾遺不就

題竹林寺

歲月人間促煙霞此地多殷勤竹林寺更得幾回過

權德輿

嶺上逢久別者又別

十年曾一別征旆此相逢馬首向何處夕陽千萬峰

柳宗元

長沙驛

唐地理志秦置長沙郡武德為潭州

樓
海鶴一為別存亡三十秋今來數行淚獨上驛南

三輔黃圖茂陵袁廣漢於北山築園積沙為洲嶼激水為波澗致江鷗海鶴延漫林池

入黃溪聞猿

輿圖備攷黃溪在永州東

溪路千里曲哀猿何處鳴孤臣淚已盡虛作斷腸

聲翻出新意愈苦

春懷故園

九扈鳴已晚楚鄉農事春悠悠故池水空待灌園

人

左九扈為九農正注扈有九種

江雪

千山鳥飛絕萬徑人蹤滅孤舟蓑笠翁獨釣寒江

雪詠雪詩絕調清峭已絕王阮亭尚書獨貶此詩何也

劉禹錫

經檀道濟故壘

南史檀道濟傳遷江州刺史進位司空鎮壽陽威名甚重朝廷疑畏之文帝召入朝將遣還鎮下渚未發有似鶴鳥集船悲鳴義康矯詔召入祖道收付廷尉及其子並誅輿圖備攷壘在江西九江府境

萬里長城壞荒營野草秋秣陵多士女猶唱白符

鷓鴣當時人歌曰可憐白符
鷓鴣枉殺檀江州見南史

視刀環

釋名刀本曰環形似環也

常恨言語淺不如人意深今朝兩相視脈脈萬重心

秋風引

何處秋風至蕭蕭送雁羣朝來入庭樹孤客最先

聞若說不堪聞便淺

孟郊

古別離

欲別牽郎衣郎今向何處不恨歸來遲莫向臨邛

去

史記司馬相如與臨邛令王吉相善相如往舍都亭下臨邛富人卓王孫聞令有貴客為具召之相如往酒酣臨邛令前奏琴相如鼓一再行時卓王孫有文文君新寡好音相如以琴挑之文君夜奔相如

張籍

涇州

行到涇州塞惟聞羌戍聲道旁雙古塔猶記向安

西

賈島

卷十九

三

尋隱者不遇

松下問童子。言師採藥去。只在此山中。雲深不知處。

王建

新嫁娘

三日入廚下。洗手作羹湯。未諳姑食性。先遣小姑

嘗。真正風雅。詩到真。嘗處一字不可移易。

行宮 一作元 禎詩

寥落古行宮。宮花寂寞紅。白頭宮女在。閒坐說元

宗。說元宗不說元宗。長短桂絕。只四語已抵一篇長恨歌矣。

王

涯

字廣津太原人貞和中進士舉宏詞

出鎮文宗立復為相甘露之變為宦官仇士良族誅

閨人贈遠四首

花明綺陌春。柳拂御溝新。為報邊陽客。流光不待

人

御溝在長安漢地。理志遼東郡縣遼陽。

鴛啼綠樹深。燕語雕梁晚。不省出門行。沙場知近

遠。聞人不省出門而夢中時到沙場若知其近遠者然如云不省出門焉知沙場之近遠意味便薄。

遠成功名薄。幽閨年貌傷。妝成對春樹。不語淚千

行

形影一朝別煙波千里分君看望君處祇是起行

靜而遠

雲

張仲素 字續之河間人官司勳員外郎與王

淮合狐楚同為舍人同長五七言絕句編三舍人集

春閨思

裊裊城邊柳青青陌上桑提籠忘采葉昨夜夢漁

陽 楊用脩謂從卷耳首章翻出

樂府提籠行采葉 漁陽屬幽州

李賀

馬詩

催榜渡烏江神駝泣向風君王今解劍何處逐英

雄 項羽雖以馬贈亭長然羽既列死神駝必不受人騎也十餘首中此首寫得神駿

注見前于李子詩

張祜

宮詞

故國三千里深宮二十年一聲河滿子雙淚落君

前 樂府雜錄云何滿子開元中歌者臨別歌樂府以贖死竟不得免曲即名何滿子文宗時宮

人沈阿翹為帝舞此曲亦舞曲也

自倚能歌曲先皇掌上憐新聲何處唱腸斷李延

卷十九

天

年

南史羊侃博舞人張淨腕腰圍一尺六寸時人咸推能掌三舞

漢書李延年善歌為新變聲

合狐楚字慧士德棻之後成進士累遷至中書侍郎同平章事敬宗逐李紳楚自

宣武節度徙天

平入為左僕射
從軍行
胡風千里驚漢月五更明縱有還家夢猶聞出塞

聲

楊凝

字懋功為司封員外郎遷右司郎中宣武董晉表為判官亳州刺史

柳絮

河畔多楊柳追遊盡狹邪春風一回送亂入莫愁家

沈約麗人賦狹斜才女莫愁洛陽女

施肩吾字希聖陸州人元和中進士慕仙野隱豫章西山

湘竹詞

萬古湘江竹無窮奈怨何年年長春筍只是淚痕多

說文箬竹胎也

幼女詞

幼女纔六歲未知巧與拙向夜在堂前學人拜新

卷十九

月是幼女與細語人
不問情事各別

雍陶

送陳標

滿酌勸僮僕好隨郎馬蹄春風慎行李莫上白銅

鞮

左行李之往來 襄陽白銅鞮 樂府解題有白銅鞮歌亦曰 輿記銅鞮坊在襄陽城南

杜牧

江樓

獨酌芳春酒登樓已半曛誰驚一行雁衝斷過江

雲

李商隱

嘲桃

無賴天桃面平明露井東春風為開了卻擬笑春

風似為負恩人寫照

樂府桃生 露井上

登樂遊原

向晚意不適驅車登古原夕陽無限好只是近黃

昏言外意

許渾

塞下農

規

夜戰桑乾雪，秦兵半不歸。朝來有鄉信，猶自寄寒

衣。苦極可與陳陶
龍西行相証

桑乾河在
大同府

○温庭筠

碧澗驛曉思

孤燈伴殘夢，楚國在天涯。月落子規歇，滿庭山杏

花。

圖經本草金杏熟最早其肩而青黃者
名本杏味酢不及之山杏不堪入藥

○于武陵杜曲人

勸酒

勸君金屈卮，滿酌不須辭。花發多風雨，人生足別

鮑照行路難奉君金卮之美酒芻華錄御
宴酒孟皆金屈卮如菜碗而有手把子

○趙嘏

寒塘

曉髮梳臨水，寒塘坐見秋。鄉心正無限，一雁過南樓。

○儲嗣宗

早春

野樹花初發，空山獨見時。踟躕歷陽道，鄉思滿南

卷十九

枝

漢地理志九江郡
縣歷陽都尉治

鄭谷

望湖亭

春
湘水似伊水，湘入非故人。
登臨獨無語，風柳自搖

崔道融

班婕妤

風
寵極辭同輦，恩深棄後宮。
自題秋扇後，不敢怨春

沈如筠

僖宗時進士

閨怨

雁盡書難寄，愁多夢不成。
願隨孤月影，流照伏波

營
與可憐閨裏月，偏照漢家營。同妙

馬援傳：擊交趾。波將軍南擊交趾。

雍裕之

江上聞猿

聲
楓岸月斜明，猿啼旅夢驚。
愁多腸易斷，不待第三

荆叔

卷十九

題慈恩寺墻

在長安

漢國山河在秦陵草木深暮雲千里色無處不傷

心神完氣足暗合

七歲女子以下閨中及無名氏信詩

送兄如意中有七歲女子能詩武后命賦別兄應聲而成云

別路雲初起離亭葉正飛所嗟人異鴈不作一行

歸風格老成

王蘊秀元載妻也載為相後媿此婦人

借夫遊秦

路埽饑寒迹天哀志氣人休零別離淚攜手入西

秦作文夫語

宮人韓氏

題紅葉

流水何太急深宮盡日閒殷勤謝紅葉好去到人

間信宗時于祐步禁衛得紅葉詩亦題一葉云曾聞葉上題紅葉上題詩寄阿誰後娶宮人韓

氏見葉驚曰此妾所作妾於水中亦得一葉覽之相合

張文姬鮑參軍妻

沙上鷺

沙頭一水禽鼓翼揚清音只待高風便非無雲漢

卷十九

心

溪口雲

溶_七溪口雲纔向溪中吐不復歸溪中還作溪中

雨音節竟是古詩

湘驛女子

題玉溪

紅樹醉秋色碧溪彈夜絃佳期不可再風雨杳如

年

安邑坊女子

幽恨詩

小得上峽日秋江風浪多江陵一夜雨腸斷木蘭歌

水經注平山水南流歷鼓鐘上峽懸洪五丈飛流注壑江陵荆州樂府有木蘭歌

劉采春

囉唸曲二首

玉篇囉唸歌曲全唐詩話望夫歌卽囉唸曲也

不喜秦淮水生憎江上船載兒夫婿去經歲又經

年

不喜生憎經歲經年重復可笑的早見女子口角晉春秋秦始皇東遊金陵於方山掘流西入江號曰秦淮

那年離別日只道往桐廬桐廬人不見今得廣州

卷十九

書言無定

桐廬縣在嚴州
廣州南海郡

莫作商人婦金釵當卜錢朝朝江上望錯認幾人

船

薛濤

高駢席上作

聞說邊城苦如今到始知好將筵上曲唱與隴頭兒

西鄙人

哥舒歌

北斗七星高哥舒夜帶刀至今窺牧馬不敢過臨洮

與救勒歌同是天籟
不可以工拙求之

天官書北斗七星所謂璇璣玉衡以苞七政
唐書哥舒翰事王忠嗣哥舒將吐蕃盜邊翰持
半段槍迎擊所向披靡後築龍駒島戍之吐蕃
不敢近青海唐地志洮州臨洮郡屬隴右道

太上隱者

荅人


偶來松樹下高枕石頭眠山中無歷日寒盡不知年

語有太古風

漢文紀歷
日彌長

釋靈澈

卷十九



天